



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67



Michael Jackson nauni Paris Jackson Fox TV "Star" ah-P4

Contact Numbers pawimaw :
 DC/CCPur : 03874-234234
 SP/CCPur : 03874-236747
 Police Station : 03874-202248
 SP Control Room: 03874-233239
 Dist. Hospital Casualty : 03874-233370
 Fire Brigade : 8974 147 799/
 8258 057 887 / 8974 103 600

Hmasawanna Thar Vol - 32/111 | Churachandpur | email : hmasawannatharnews@yahoo.com | Phone: +91-3874-236846 | Rs 6/- per copy

MPC HQ Manipur General Assembly nei

CCPUR: Mizo People Convention (MPC) Headquarter, Manipur chun Jan. 31, 2017, 10:30AM khan YMA Hall, YMA Complex, Hmuia Veng, CCPur-ah 32nd General Assembly, 2017 an hmang. Session-I ah vantlang inkhawm huna Capt. Lal-unsanga, CO Lamka Corps in hun hawng tawngtaina a nei a, Chawimawina thilpek inhlanna, Secretary, Sub-Hqrts; Secretary (Finance), Hqrts le General secretary haia inthawk report ngaitlak a ni a, President, Group YMA Manipur, Chairman, Mizo Literature Society, Manipur, President, MZP Headquarter, Manipur le President, MPC Manipur haia inthawk thuhrii ngaitlak a ni a, Upa JC Ramthanga, IAS in "Inpumkhatna dinga thuoituhai le member hai mawphurna" ti thupui hmangin thuhriina a nei baw.



phar a ni a, Executive Committee han agenda-a an put-luk kum 2017-19 term sung Workers meet nei ding ti chungthu hai an hri-ling. Audited statement pawmna le 2017-18 MPC Manipur budget dingin Rs. 6,40,858/- pawm a ni bakah Workers meet chungthu chu Executive Committee in a tul anga a hung bawzui dingin palai fekhawm han an remthi.

Session-III na Election 2:00PM khan tan a ni a, Returning Officer Upa PC Vungtea inrawinain kum 2017-19 sunga MPC Hqrts thuoitu ding thlangna nei a nih. President dingin Upa Vanlalrinliana thlangling a ni a, Vice President in Upa K. Laldawngliana; Treasurer in B. Zodingliana thlangling a nih. OB dang hai chu nomination file an umnaw lein a hlui hai bawkin an la chelzawm dinga suktluk a nih. Inthlangna nei zo hin Rev. Laldawngliana, Executive Secretary (Sr), Manipur Synod chun thuoitu dinga thlang hai ta dinga tawngtaipekna a nei.

Parliament Budget Session tan: Terrorism hneban dingin India chu rambung dang leh thatho takin thaw tlang a tih: President

NEW DELHI: Parliament Budget session chu zanikhan tan a ni a. Parliament Inpui pahni joint sessionah President Pranab Mukherjee in thuhriina a nei.

President in zanita Joint Session-a thu a hri-naa chun, India chun kum 40 liemtah a inthawk terrorism lakah thi ngama chona a dawng ta thu a hri a, chu hai laia a zuolkai deu chu Jammu and Kashmir a cross-border attacks ani thu hriin, India chu terrorist hai hnebanna dingin, inthlada lovin taima takin ama ang lungril nei rambung hai le inzawma a sukhrai pei ding thu a hri.

President chun, nikum September thla a inthawka Pakistan-Occupied Kashmir (POK) a Indian Army hain surgical strike an thaw chu, a ngirhmun izira dawngletna ani thu a hri a, terrorism dona ah demon-isation khawmin hmun pawimaw tak a chang thu a hri. Denomination insang hai that a nina chun terror funding a suktawp thu le, I Black money dona dinga sawrkar hmalakna kawnga mipui hai dawngletna le in-



pekna chu lawmum a ti thu a hri.

India chau ni lovin, Terrorism chu khawvel pum huopa buoina siemu le mitin hmelmia ani thu President chun a hri a, khawvel chawkuoia tina intluntu an ni lein, terrorism thilthawtheina sukbo dingin India chu thapui in-sua rambung hran hran hai a thlawp tlat ding thu a hri.

"Jammu and Kashmir chu ramri khela thangpuitu le thlawpui nei terrorist hai sukbuoiin a um a, dan loa ramri kan tumna, terrorist kuthnung, hringna channa hai J&K a chun a tlung rawp a, chulein, terrorism doletna chu dan phal le pawm tla ngai ding a nih" tiin President chun a hri a, a sawrkar chu terrorist dona dinga inpumpek tlat ani thu a hri baw.

President chun Left Wing Extremism chungthu khawm a hri a, extremists 2,600 hai an inpek tak leia tina lungril neitu hai phur a zang pei ta thu hriin, Northeast states haia security ngirhmun khawm hma a sawn pei ta thu a hri.

chu Swachh Bharat Mission a thlak niin beipui thlak mek ani thu President in a hri.

Parib, Dalit, Peedit, Shoshit, Vanchit, Kisan, Shramik, Yuva le hnam hnufuol dang dang hai sawrkarin a ngaitu thu President in a hri a, Central sawrkarin policies an duong thar hai ah a pawimaw taka sie an ni thu a hri. Pradhan Mantri Mudra Yojana scheme hnuoia 5.6 crore loan peksuok hai laia Rs. 2 lakh crore hai chu mi hnuoinung hai tadinga peksuok ani thu a hri a, Deen Dayal Antyodaya Yojana scheme hnuoia Rs. 16,000 crore tuta financial year sungin SHG hran hran hai pek an ni thu a hri baw.

Deen Dayal Upadhyay Gram Jyoti Yojana scheme hnuoi ah kumhlui sungin tlangram khuo 11,000 hai chu meivar peka zieklut ani thu President chun a hri a, SC le ST hai tadingin Pradhan Mantri Ujjwala Yojana scheme hnuoia mi harsa Ujjwala beneficiaries hai chu 37% a inhuoia energy supply pek ding niin a hri baw.

Wireless Satellite phone hmang khap

CCPUR: 11th Manipur Legislative Assembly General Election, 2017 hung um ding le inzawmin mimal le pawl han wireless satellite phones/handsets an hmang le buoina a siem pha ding invengna ding, election zalen le felfai taka nei a hung

ni thei ditna lein mimal le pawl han Churachandpur District sungah phalna boa Wireless Satellite phones/ Handsets anhmang khap ngal a nih tiin District Magistrate, Churachandpur chun January 31, 2017 khan Order an suo.

Court in tripartite talk-a thang a phal pek IRCS Annual meeting nei



IMPHAL: Zanikhan Chief Judicial Magistrate, Imphal East chun Feb. 3, 2017 a North Block, New Delhi

mek UNC President Gaidon Kamei le UNC Publicity Secretary Shangkhel Stephen Lamkang hai chu an thang ve a phal pek. Hieng a ni ta hin chu tripartite talk a hin UNC chun an thang ding a nih ti a hung chieng ta a nih. UNC thuoitu pahni hai chungah hin Manipur Police han case 6 zet an file khum a nih. UNC thuoitu hai pahni hi Nov. 25, 2016 a kha Manipur Police han Pheidginga hmuna an man an nih.



IMPHAL: Zanikhan Banquet Hall, Raj Bhavan, Imphal-ah Indian Red Cross Society (IRCS), Manipur State Branch chun Annual meeting an nei. Hi huna hin IRCS Manipur Branch President Dr Najma A. Hettulla chun Annual report a pek. Dr Najma A. Hettulla chun khawvel pum-

National Lok Adalat

CCPUR: National Legal Services Authority le Manipur State Legal Services Authority ditna angin February 11, 2017, 11:00AM a inthawk hin District Legal Services Authority, CCPur chun Chief Judicial Magistrate Court, CCPur hmuna National Lok Adalat buotsai an tih. Hi huna hin Bank, Govt. Department tum tum bakah Insung thubuo relfel ding nei han Feb. 2, 2017, 12:00Noon chenin Chief Judicial Magistrate, CCPur kuomah ziekin peklut thei ning a tih.

Chun, District and Session Judge, CCPur hnuoia criminal case fe mek hai khawm hi huna thang dinga inhrietir an nih tiin Letkho Kipgen, Secretary, CCPur District Legal Services Authority chun inhrietirma a siem.

N. Neishial, IDAS a hung inzin

3:45PM khan CCPur an hung inzin.

Mr Neishial hi Guwahati le Imphal haia official thila thaw ding a nei hai a thaw zo hmanga CCPur hung inzin a ni a. Feb. 2, 2017 nia a piengna le an in-lalna Lengluang khuo a Insung program hmang dinga CCPur hung a nih.

Tuhin D. Phailian-ah an ngat mek a, February thla sung ma hin New Delhi tieng kir nawk a tih.

N. Neishial hi North East mi hai laia Controller General of Defence Account chel hmasatak la nia hriet a nih.

Guwahati University Court member dingin

IMPHAL: Veteran Journalist le Social Activist B.B. Sharma chu Assam Governor le Guwahati University Vice Chancellor Banawari Lal Purohit chun kum 3 sung Guwahati University Court member dingin a ruot niin Governor Secretariat, Raj Bhavan,

Guwahati thusuok chun a hri. B. B. Sharma, IIS hi Joint Director (News), AIR, Imphal a inthawka pension ta le ICHAM Adviser ni laizing a nih. Hiengang member a ruot a nina hi Information Centre for Hill Area, Manipur (ICHAM) chun an lawmpui thu an hri.

Rs. 7,00,000 man a ni tah

IMPHAL: Manipur Assembly Election hung um ding le inzawmin election Model Code of Conduct bawsi a che haia inthawk pawisafai Rs. 7,00,000 man a ni a bakah mi iemanizat in election Model Code of Conduct bawsi an um ta nia hekna lekha hmu a ni ta a. Hi thu hi suichieng ning a ta, thudik a ni chun dan angin action lak ning a tih tiin Vivek Kumar Dewan, CEO, Manipur in zanita Imphal-a Chanchinbumihai an hmupui huna a hri.

CM le MPCC President Delhi-ah an inzin ding

IMPHAL: Manipur Assembly election hung um dinga Congress candidates dinghai AICC thuoituhai le zu sukfel dingin Manipur CM O.Ibobi Singh le MPCC President T.N. Haokip hai chu vawisun hin Imphal suoksanin New Delhi an pan ding nia hri a nih. Assembly seats 60

BJP in Model Code of Conduct bawsi an tum

IMPHAL: BJP chun Manipur CM O.Ibobi Singh le Manipur Assembly Speaker Th. Lokeshore Singh hai chu election model code of conduct bawsi an intum.

Hi thua hin Election Commission of India le Chief Electoral Officer (CEO) Manipur hai kuomah hekna anpeklut ta niin BJP MLA le BJP Manipur Pradesh General Secretary (Administration) in zanita BJP Manipur Pradesh Office, Imphal-a Chanchinbumihai an hmupui huna a hri.

Consultancy on Clean Election nei

CCPUR: January 31, 2017, 11:00AM khan All Manipur Christian Organisation (AMCO) hmalaknain KIC Office, Tuibong, CCPur-ah 11th Manipur Legislative Assembly Election hung um dingah Free & Fair Election a um thei ding ditnain "One Day Consultancy on Clean Election nei a nih.

Hi hun hmangna hi Peter Kamang, Catechist, Good Shepherd Parish, CCPur in tawngtainain a hawng a, Rev. Prim Vaiphei, President AMCO inrawina in hun hmang t a ni a, Rev. Dr Lalpi Vaiphei, Dr Leban Serto le Rev. Hawngam Haokip hai Panelist-a thangin Panel discussion nei a ni bakah Vevian Zou inrawinain Election zalen le thienghlim taka nei a ni theina dinga



thil thalao tukhawm inrawl lo dinga intiemkamna hi huna thang hai a neipui.

One Day Consultancy on Clean Election hi ei hmaa election hung um ding le inzawma tlangram biel, Christian hai chengna biela boruok rik tak hnuoia um a nina leia buoina a suok nawna dinga Kohran han hmalak tula an hriet leia an buotsai a ni a, hmatiang peia khawm Manipur district tum tum la sirkul pei an tum bakah AMCO chun February thla hin CCPur district-ah lien le huopzau lema campaign la thaw nawk an tum thu an hri.

AMCO hi sum hmuna nei lo pawl a ni lein an hmalaknaa sum le paia thanguina pe nuom hai ta dingin pek thei zing a ni thu an hri baw.

Election nei ding states 5 haia pawisa man Rs. 100 Crore a chuong tah

NEW DELHI: States 5- Uttar Pradesh, Punjab, Goa, Uttarakhand le Manipur haia Assembly Election hung um ding le inzawma Election Model Code of Conduct hmang a nia inthawk Election Commission in an din Surveillance le Expenditure Monitoring Teams han tuchena pawisa an man chu Rs. 100 crore a chuong ta a, Zu Rs. 32.03



crore manhu le Narcotic drugs kg. 4,800, Rs. 21 crore manhu ding an man

Pawisa man rawn na tak chu Uttar Pradesh a ni a, Rs. 90.98 crore man a ni ta a, a dawttu chu Punjab niin Rs. 7.98 crore, Goa-ah Rs. 1.27 crore, Uttarakhand-ah Rs. 1.23 crore le Manipur-ah Rs. 8.13 lakh man a nit ah.

UP ah zu 9.67 lakh litres, Rs. 24.89 crore manhu, Punjab-ah litres 6.55 lakh, Rs. 5.06 crore manhu, Uttarakhand-ah litres 5,000 chun a hri.

ong, Rs. 1.31 crore manhu, Goa-ah Rs. 85.14 lakh manhu le Manipur-ah Rs. 19.07 lakh manhu man a ni tah.

Drugs man rawnna tak chu Punjab niin Rs.13.76 crore manhu man a ni ta a, UP ah Rs. 5.56 crore manhu, Manipur-ah Rs. 2 crore chuong manhu; Goa ah Rs. 34.22 lakh manhu le Uttarakhand-ah Rs. 29.85 lakh manhu man a nitah.

GAS NEWS
 Agency : KIM JOE
 Booking : up to 20th. Oct. to 20th Nov., 2016
 Delivery :01-02-2017 (WED)
 Time :8:00AM - till stock STOCK : 306
 Rate: Rs. 737/- bring exact change
 Agency : VANGSEI INDANE
 K. Salbung, CCPur
 Booking : 13-12-2016 to 14-12-2016
 Delivery :24-01-2017 (WED)
 Time :8AM till stock STOCK : 306

VAWISUN THUPUI

Tukhawm a mi hmutu chun hringna a hmuok a, Lalpa ditsakna chu a chang a, Amiruokchu ka chungsa suksuoltu chun ama lungril ngei a sukkhawhlo a, kei a mi theidatuhai popo chun thina an hmangai a nih.
- *Thuvharhai 8: 35-36*

Editorial**Tripartite Talk**

Ministry of Home Affairs, Government of India fienna pawmin Manipur a National Highway haia United Naga Council (UNC) pawlin hun tiemchin um lova economic blockade an thawna le inzawmin sawrkar thlungpui, Manipur state sawrkar le UNC palai hai chun February 3, 2017 khin New Delhi-ah tripartite talk an nei ding a ni a. Tuta riruong dan chun hi in-bieknaa hin sawrkar thlungpui aiawin Satyendra Garg, secretary, Ministry of Home Affairs (NE-incharge), Govt. of India thang a ta, Manipur State Sawrkar aiawin Dr. Suresh Babu, Additional Chief Secretary (Home) le K. Radha Kumar, Commissioner (works) hai thang an tih. UNC chun an palai ding hin an President Gaidon Kamei, an General Secretary, S. Milan, UNC Ex-Presidents 3, ANSAM President le Secretary hai bakah Naga Women Union a an President le Secretary hai ni hai sienla ti chu an dit dan a nih.

Lo inhnun deu ta sienkhawm inbiékna nei naw nek chun inbiékna nei hi a tha a. Inbiékna hlawtling hung ni ngei sienla ti chu Manipur mipuihai duthusam a nih. Amiruokchu, UNC palaihai thuoitu dinga ruot Gaidon Kamei hi Sajiwa Jail a intang mek le Feb. 4, 2017 a court hmaa inlang nawk dinga ti a ni a. Hi chungchang-hin state sawrkar chun thuneina a nei naw thu le court thuneina a nih tiin sawrkar thlungpui an hrietir ta a nih. Hieng a ni lei hin Gaidon Kamei chungchang chu court remti le phal dana inngat tina a nih. Court thusoek ngah a ni a, iengtinam a hung rel ding chu maw?

UNC in economic blockade an thaw hi thla 3 zet (ni 92) a tlingna a nit ah. Thla 3 zet economic blockade a um ta lei hin Manipur mipuihai harsatna chu hrilin a siek ta nawh. Economic blockade chungchanga hin inbiékremna a um thei naw a, UNC in an economic blockade thaw hi an sunzawm pei a lo ni chun ngawng t halo tak a hung nei ding niin an lang. Hi leia hi sawrkar thlungpui le Manipur state sawrkar han tripartite talk hi nei an rawt a nih. Tripartite talk result hin Manipur hmating ngirhnung ding a hung hril ding a nih. Hi lei hin Manipur mipuihai chun tripartite talk result hi ngahkha takin an lo thlir thup el a nih. Inbiékna a hung sukud ding hi inlau um tak el a nih.

UNC economic blockade in tanna san tak chu District thar siem a ni lei ti chu a hrietu seng ei nih. Inbiékna huna UNC thil ngen ding chu man le lungin a intang mek UNC thuoituhai insuo le District thar siema um hai hnukkir nawk ding tihai a ni ngei ring a um. UNC thuoituhai insuo chu thu khat lo nisienla, District thar 7 siem hai hnukkir nawk ding ti ruok hi chu inbiékna suk sukuktu a hung ni naw ding maw? Mi mawl ta ding chun a rel dan ding le a thaw dan a vang hle el. Amiruokchu, rambung pakhat sawrkar thuoitu han an hung rel ding a ni a, rel fel thei dan lampui an hung hriet thei dingah lo ngai phawt inla a hadam thlak tak awm ei.

Economic blockade hlipna dingin Manipur a Congress Sawrkarin District thar 7 a siem le hawng tasa hai hi a hnukkir nuom ding? District thar 7 hai hi hnukkir nawk hung ni ta ang sienla District dita lawmtuhai hin iengtinam ngai an ta? A khingtiengpangah District thar hai hi state sawrkarin hnukkir nuom ta naw sienla UNC in an economic blockade thaw hi an hlip nuom ding? Hieng indawna hai hi indawna pawimaw tak el, tripartite talk hung kakhaw le ngawng ngei ngei ding an nih. Hieng thil hai po po hi ei ngaituo chun inbiékremna hung um thei dingin an lang nawh. Tripartite talk hung um ding hi lawm a um laizingin hawphur um tak el a ni bawk.

Inremna a hung um thei na ding chun a tlawmlem le mani ngirhmuna inthawka inpha hnuoi dam, chan nei dam le inkei hnuoi dam a tul hlak. Tripartite talk huna hin an kei hnuoi nuom, a tlawm lem le chan nei nuom an um dim maw? Ring chu a um rak nawh. Hi lei hin tripartite talk hin umzie a hung nei dim ti le result tha a hung nei thei dim ti hi ngaituo lo thei lo a nih. Economic blockade chungthuah inbiékremna a hung um thei naw chun ienggang thil am Manipur hin a la hung tuok ding ti hi hawphur a um hle. Sawrkar thlungpui ta ding khawma thil thaw dan ding thuah a lu an hai map hle ring a um.

Editorial Board

Lalmalsawm Sellate: Editor & Publisher
Roding L. Sellate: Jt. Editor

Ramditum @ Rama Ralsun: Asst. Editor
Lalsansuok Pulamate & Samuel Zothanglien@SZ Zote: Sports

Joseph Joute: Freelance

Lalruotlien Dulien: Computer Assistant

Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

HLA INCHU SUILETNA III

J. Hmangneithuom, @Hmangnei Vumminthang pa

Rengkai, Tuihaphai

Tlângram, Hmar bielha ka pi le puhai, Tarpuhai sülhnung suiin, fam rolung fangin chawl kârhni lai hun ka zu hmanga. Tlângram inhawina suk famkimtu laia pakhat chu Thlasik nisa zângpuok thawa tuol châr a TI TI SEP le lo hma nei dân ding leh beiseina khâmhrui ang suk seia ruol le pai leh GOP MAR chu inhawi ve tak a nih. Internet khawvêl ani ang bawkin, Print Media khawma tlângram kiltin a fang suoka. Tlângrama chu chanchinbu hi a hlu bîkin an lang. Hmasawna Thar Tuolbuol (January) 19, 2017 suok Pu H. Zaneisang Article ziek, ‘VAN LALNAU BETHLEHEMAH A SUOK VERSUS A PIENG’ ti ka lo tiem a, sun hunah tar kum 80 chungtieng hai panin, hi hla fe dan kan dawn tâwl a. ‘Vân lalnau a hung **suok** Lal krown min khumtir din’ ti chu ei sak dân pangngai a ni kha tie!’ ti chu ka thu hriet tlângpui a nih.

Vawisun chena Israelhai chun an lal Messiah hung pieng dân le an lo beisei dân an mil naw leia ringna famkim theilao a um ang bawkin, ‘Hrânglhuihai hla phuok TOBUL ei sui dânah ringhlâ na ei ni ah a piengsuol lein Lushai tawnga phuok hmasa anga ngâina in pehel nei nuoi a lo nih. Rev. Thangngur a hla ei sui ding a n lein, ama chanchin hang târlang nawk met inla. 1891 khan Lailên khuo (E. Lungdar le Biete khaw inkar) Mizoramah a pienga. 1943 December 20 khan a rawng a bawl Lalpa kuomah a lo chawl ta a nih. Hmar tawng bika ding chun 1920-1940 inkâr khan Hmar hla hlui ei ti hai hi a suok rawn hle. Independent Kohran Hlabu revision, 1945 lem kha chu Rev. Thangngur hrietzingna anga buotsai a ni hiel. Hlabu a khan, ‘THE MEMORIAL of REV. THANGNGUR was rested home with his Lord on 20th Dec., 1943’ ti an ziek nghe nghe. Lushai tawng le Hmar tawnga tuta ei hla buoipti hi sak lar a ni hun chu, 1952 khan Lusei Hills ah sak lar tan a nih. 1936 khan Hmar bielha sak lar a lo ni dai tah. Rev. Thangngur kha 1943 khan a thi a, 1952 in Lushai haiin a hla chu an inlet tina a nih. Chu umzie chu Rev. Thangngur thi hnung kum kuo (9 years) hnunga Lushai Hills tieng inlet le saklar tina a nih. Chun, wawisuna MIL hi neilo ni inla chu hieng Tobul hla le Hlahlui hai hi chuonglawmin ei suiin ei buoipti hi ring a um nawh. MIL Degree level ah ei hung nei ta pei hin ei THU le HLA hai hi ei sui ve tan chau a nih. Hmar lai lem chu Critical studies hi ei nei tlawm a, CRITIC lem chu ei la um meu nawh, CRITISIZER chu ei tam el.

Vawisuna (Hmar Modern World) ah EDUCATION REFORMER ti a ei hriet lar Prof. L.Ruoivel Pangamte thu ziekah, ‘T le TR a buoi buoi hai chu naupang thil a nih. An hung puitlinga an buoi dal’ a ti ang deu in ‘FIND THE ODD ONE’ ti vel hi naupang class an inluch thei hma, Nursery le KG hai buoina a ni a, puitling le class nei hai chun Question & Answers an buoipti hlak. Sap le Greek, France thu le hla phuoktu le suitu haiin an sui rawp chu an mimal ngaidan nekîn, poet le poem inlaichinna a ni rawp hlak. Hlaphuoktu nun le Thlarau ram an pal chen va hriet fai vawng seng ni naw sienkhawm, inkhi theiin a um a, chu ngei chu haisuok tumin an sui hlak alo nih. Israelhai inkhina le thlirna tukvera inthawk lem chun an Lal Mesiah kha a la pieng ve naw a nih. Rev. Thangngur angin Krista PIENG dan le SUOK dan lem chu an thlir phak naw hle.

PIENG(Born): Naupang Sunde Skulah, ‘Isu kha khawlam a pieng a? tiin

UNLF cadre pahni man

IMPHAL: Imphal West Police Commando han zingkar 10:50AM vel khan Dr S. Ibomcha Singh, Addl. SP (Ops/Imphal West) le OC Inspector Thaingampou hai in-rawinaa Laipham Kahunoo area-a dappui an thawnaah UNLF nuhmei cadre pahni an man. Mana um hai chu

Huidrom Chingkheingam Chanu (22), d/o (L) H. Inao Singh of Lamjao Mayai Leikai le Oinam Chanchan @ Jayenti @ Langlen (22), d/o O. Samungou Singh of Tera, Khongsangbi Mayai Leikai hai an nih. A hnungin Heingang Police Station, Imphal East-ah an peklut.

Dr H.T. Sangliana in US a pan

BANGALORE: Feb. 2, 2017 nia US President Donal Trump 65th Annual National Prayer breakfast Meeting a buotsai-a thang ve dinga fiel a ni angina Dr H.T. Sangliana chun zanikhan India ram suksanin US a pan. US President hlui Barack Obama khaw-

min US President dinga thlangtling a ni huna khan hiengang hun a buotsaia thang dinga fiel a ni angin a lo zu thang ta bawka a nih. Annual National Prayer breakfast meeting huna hin US lawmakers le mi pawimaw tam tak an thang ding a nih.

GACDC-in tiemchin umlo bunghei

GUWAHATI: Gorkha Autonomous Council Demand Committee (GACDC) chun Assam a Gorkha hnam cheng hai National Register of Citizens (NRC)-ah zieklut vawng dinga ngenna in, February 20 a inthawk tiemchin um lovin bungheia nawna an nei ding thu an puong. NRC chu tula hin Assam sawrkarin a thaw mek lai a nih.

Gorkha hnam chu 30 lakh vel an um a, chuong hai chu Assam ram mi nina indiktak neitu niin, Assam ram mi nina neitu chu NRC a thaibo an ni thei naw ding thu GACDC chairman,

Harka Bahadur Chetry chun a hril.

Gorkha hai ngirhnung ang char neitu Bodo le Rabha hai chu Assam ram mi indiktak a zieklut an ni laia, Gorkha hai hnawla immigrants anga ngai an ni bikna chu GACDC chun a hrietthiem naw hle a, Gorkha hai chu Assam state a pieng hlima um tah an ni thu le, state puitling siemna dinga thlawptu hai an ni thu Chetry chun a hril a nih. GACDC hmalakna chu Gorkha mipui le a hnam sunga pawl tum tum haiin full support an pek a nih.

ALL INDIA RADIO: CHURACHANDPUR PROGRAMME			
Date: February 01, 2017 (Wednesday)			
TRANSMISSION- FM-101.4 Megahertz			
Hours	Studio/	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcement& Mangal Dhvani	
5.30pm	P	PAITE Prog. Sig. Tune & Announcement <i>Announcer:Ellen Lamgaikhim</i> 1) Benjamin Thomte (mod) 2) Zami Hauzel (mod)	CD-1283 CD-443
6.00pm	P	HMAR Prog., sig. Tune & Announcement <i>Announcer:Elizabeth</i> 1) Lien Shakum & partner (mod) 2) Discussion: Kohran le Khawtlang by ij Rev. Dr Lalngahthang, ij) May Rose, ij) Timothy Z. Zote	CD-1833 CD-1619
6.30pm	P	THADOU Prog., sig. Tune & Announcement <i>Announcer:D. Heminthang</i> 1) Lenjathang Haokip & Party (trad) 2) Talk: "Meithai ho khoto ding" by Veikhohlam Mate	CD-1264 CD-1406
7:00pm	P	Farm & Home: Thadour 1) Hengkot Male Voice (dev) 2) Talk: "Air pollution: its preventive measures" by L. Nehkiohao Haokip	CD-1216 CD-1409

Heroin grams 445.3 leh mi pathum man

AIZAWL: Mizoram Police han zanikhan Mizoram le Myanmar ramri Zokhawthar village-ah Aizawl le kara tlan Maxicab sunga inthawk Heroin grams 445.3 dapdawkin motor sunga chuong mi 3 hai leh an man. Heroin mana um hi tuolsung rate a chun Rs. 16 lakh vel manhu dinga hisap a ni a, Myanmar-a inthawka an hung phur a nih.

Mana um hai laia pahni hai chu Bru hnama mi, North Tripura district a cheng James Lalnuchhara (31) of Kaskau Bru relief Camp le Tinsiak Ril Tripura (26) of Dhamcherra hai an ni a, mana um dang pakhat chu a driver niin ama hi Myanmar mi a nih.

A Vaki inhmang hmutu hai Rs. 25,000 pek a tiem

PATNA: Bihar nuhmei pakhat Babita Devi chun January, 2017 thla bula inthawka inhmang tah a Vaki (Parrot) hmukir pektu hai kuomah lawmman Rs. 25,000 pek dingin a tiem. Ms Devi chun a vate hi an insung member pakha anga an en le kum 8 sung zet a lo kawt ta a ni thu hrilin an hmanga inthawk in khawm in dukdak thei ta lova um a ni thu a hril.

Punjab election candidates hai lai crorepaties 428

CHANDIGARH: Punjab Assembly seats 117 um haia Election hung um dinga candidates 1,145 um hai laia 428 hai chu crorepaties an nih. Hienghai laia 23% hai chu Independent candidates an nih. Party zawnga crorepaties candidate hau tak chu Congress an ni a, candidates 117 han affidavit an peklut dungzuin crorepaties candidate 103 an um a, a dawtu chu Shiromani Akali Dal niin candidates 94 an nei hai laia 84 hai chu crorepaties an nih. BJP in candidates 23

Nagaland-ah ULB election hun sawn ani tah

KOHIMA: February 1 a Nagaland state Urban Local Bodies (ULB) election nei ding le inzawma nuhmei reservation chungthua hun sawt tak buoina a um hnungin, Nagaland Baptist Churches Council (NBCC) an rawl lein zanikhan buoina chingfel ani a, NBCC hmalakna in Nagaland sawrkar le Joint Coordination Committee (JCC) haiin inbiékremna an nei tah. NBCC chu Nagaland state sunga Baptist

Kohran 1,500 chuong um hai khaikhawmtu a nih. JCC chun ULB election-ah nuhmei reservation 33% chu implement dinga ngena helna siem ani a, inbiékremna an nei dungzuin, sawrkarin February 1 a election nei ding chu ‘in principal’ in thla hni sawn hla dingin remtina a nei a, JCC in bandh an thaw chu chawlsan an ta, reservation chungthua JCC ngenna chu ngaituo ni bawka tih. 2011 census dung-

zuin, Nagaland ah 90% chu Kristien an nih a, tuta an hmalakna le inzawmin Kohran thuoitu hai sawrkar khawmin anza hle ti a suklang a, Nagaland mipui po po lai 80% chu Baptist an ni bawka a nih. Thla hni election sawn hla ani sungin, JCC thuoitu haiin Nagaland mipui hai chu inchuktirna nei an ta, him le thlamuong takin 33% nuhmei reservation leh ULB election chu nei ning a tih.

BBBP scheme hnuoi-ah pawisa hmu thei lo

NEW DELHI: Beti Bachao Beti Padhao scheme hnuoia mimal tadinga pawisa hmu theina dan a um naw thu sawrkar thlungpui chun zanikhan hrlifiena a siem. Sawrkar hrietpui lo website, organisation, NGO le mi thenkhatin hi scheme hnuoia pawisa hmu theina a um anga hrilin, form sendawka a um leia Women and Child Development Ministry chun hrlifiena a

siem a nih. Ministry chun, pawisa hmu thei ding anga hrlia form sem chu dan bawsietna ani thu hrilin, Beti Bachao Beti Padhao Scheme ah mimal pawisa pek theina a um naw thu le, form a sem naw thu a hril a nih. Scheme chu nuhmei-hai sukhmasawna dinga siem ani a, India mipuihai thlirna sukdanglam a, ngaituona thar dettak nei

puma nuhmei-hai inchnukna zula dawmsang chu scheme thiltum tak ani a, pawisa hmu thei anga hrlitu laka fimkhru dingin Women and Child Development Ministry thusuok chun a hril. Ministry chun hi chungthua hi a ngaimaw hle a, thil indiklo thawtu hai hriet suok an ni chun, District Collector annawleh District Magistrate kuoma intlun dingin thusuok a siem a nih.

Tax petu 18 lakh in IT-ah hrlifiena siem ding

NEW DELHI: Demonetisation hnunga IT Department hai hmalakna fe mekah, pawisa deposit ringhla um Bank account neitu 18 lakh neka tam an hmuok tah. November 8 le December 30 inkara Rs. 5 lakh chuong deposit hai an nih a, tuta sui meka um hai chu tax petu hai laia mi niin, e-mail le SMS thawnin IT

Department hmaa hrlifiena siem dinga ti an nih. Notice thawna um hai chun ni 10 sunga hrlifiena siem dinga ti an nih a, CBDT hnuoia ‘Operation Clean Money’ scheme hmanga zawng suokna thaw ani a, November 8 hnunga an sum hnâr le in-mil loa pawisa deposit nei-hai mansuok an nih.

Operation Clean Money, Swachh Dhan Abhiyan ti khawma ko chu programming software niin, zawna um hai chu deposit thawtu-hai ngeia dawna siem ngai-thaw ani a, hrlifiena tha tak an pek thein chun, account neituhai chungah legal action lak thei ani thu Revenue secretary Hasmukh Adhia chun a hril.

Punjab election candidates hai lai crorepaties 428

CHANDIGARH: Punjab Assembly seats 117 um haia Election hung um dinga candidates 1,145 um hai laia 428 hai chu crorepaties an nih. Hienghai laia 23% hai chu Independent candidates an nih. Party zawnga crorepaties candidate hau tak chu Congress an ni a, candidates 117 han affidavit an peklut dungzuin crorepaties candidate 103 an um a, a dawtu chu Shiromani Akali Dal niin candidates 94 an nei hai laia 84 hai chu crorepaties an nih. BJP in candidates 23

hai hausakna popo chawkrulin Congress candidate hai an hausa tak a, candidates tin hai hausakna chu 12 crore vel seng a ni a, SAD Rs. 9 crore, BJP Rs. 6 crore, AAP Rs. 6 crore a nih. Candidates hausa top 60 hai laia 22 chu Congress an ni a, AAP 12 le SAD 8 an thang. Chief Minister Parkash Badal hausakna chu Rs. 14 crore a ni a, candidate hai laia hausa tak 64-na a ni a, Congress CM candidate Captain Amarinder Singh hausakna chu Rs. 48 crore

niin a 12-nain a thang phak. Chün, Punjab Election candidates hai lai hin criminal cases nei 101 an um a, hi laia 14 chu Congress candidate an ni a, AAP 12, SAD 10 le BJP 2 an thang. Candidate hai laia hausa tak pahmina Independent candidate Shiv Lal Doda chu Dalit mi thalna thuah a chungthu ngaituo lai mek a nih. Thiemna tiengpanga chun candidates 32% hai graduates le a chungtieng an ni a, nuhmei candidates 87 an um bawk.

CHANCHIN
LAKTAWI

BSF han Pakistan
Lawng 2 an man

AMRITSAR: Border Security Force (BSF) chun zanikhan Punjab-a Ravi vadung-a Tota Guru post (Dera Baba Nanak Post) hmuna Pakistan Lawng pahni an man a, mi man ruok chu an nei thu hriet a la ni nawh. Nikum October thla khan BSF chun hi lai hmuna bawh hin Pakistan Lawng pakhat an lo man ta a, sienkhawm an Lawng man kha tukhawm chung lo, a ruok a nih. Tu-lingen in ama khata a hung fen ni ring a nih.

Union minister hlui
Ahamed hospital panpui

NEW DELHI: Lok Sabha member le Union Minister hlui E. Ahamed (78) chu zanikhan Parliament-ah a damnaw thut lein Ram Manohar Lohia Hospital panpui a nih. Mr Ahamed hi Indian Muslim League a President ni lai mek a ni a, in-thuok harsa a ti thut lein Parliament staff han first aid an pek a, sienkhawm zieuim tieng a pan chungonaw leia inrang taka hospital panpui a nih. Ahamed hi Kerala-a Mallapuram constituency-a inthawk Lok Sabha member dinga thlangting niin UPA sawrkar hmasaa khan Minister of state for External Affairs a lo chel a nih.

Gas thalo hiplut lein
mi 8 an thi

MUMBAI: Latur district, Maharashtra a factory pakhatah zanikhan gas thalo an hip lut pal lein mi 8 in an hringna an chan pha. Factory chu Oil Mill niin, thawktu haiin chemical tank an sukfaia laia thil tung a nih. Boruok thalo an hip lut chun inthauk thei lovin a siem tawl nia hrii ani a, mithi hai lai chun Oil Mill a MIDC khawm a thang ve. Tanky sukfaia dinga a sunga lut haiin boruok thalo chun an hip lut a, an suok thei ta naw a nih. Thil tung le inzawmin suichiennga nei mek a nih.

Shivpal Yadav in party
thar siem ding

NEW DELHI: Uttar Pradesh a Samajwadi party sunga buoina um le inzawmin, SP indintu Mulayam Singh Yadav a unaua Shivpal Yadav chun party thar a siem ding thu a hrii a, SP member haiin tawngbau thalo hmanga an ti rawp hlak leia thutlukna a siem nia hriin, Assembly polls zo March 11 pha party thar chun an din ding thu a hrii. SP founder Mulayam Singh chun, a naupa Akhilesh a thui SP am a unaua in party thar a siem ding chu a zui lem ding iengkhawm a la hrii nawh. Shivpal chu UP Assembly polls a dingin zanikhan nomination a file a, SP ticket hmangin in candidate a tih.

Economic Survey dungzuiin financial year thar-ah
GDP 6.75 a inthawk 7.5% in kaisang ding

NEW DELHI: Sawrkar thlungpui chun Gross Domestic Products (GDP) chu 2017-2018 financial year-ah 6.75% a inthawk 7.5% in a kaisang ding niin a hrii a, zanita Parliament Budget session tan ni a Finance Minister Arun Jaitley in Economic Survey Parliament table a suklagna a neina a khawm, India chu khawvela rambung hai laia economy inthang hrattak ni dingin a suklang a nih. Economic Survey a GDP inthang dan suklagna na phek a chun, 2016-2017 in India GDP chu 7.1% ani a, Agriculture sector-ah 4.1% in an thang a, 2015-2016 khan 1.2% chau a nih. Pradhan Mantri Garib Kalyan Yojan le thautui man hai leia inthang niin

Survey chun a tarlang. Survey report in a hrii dan chun, demonetisation in hun tawite sung GDP a nghawng a, amiruokchu, hun sawt a seia dingin hlawkna tam tak a siem ding niin a suklang a. A hnungzuitu dingin thilman sukhnuoi le a hlawk suklam dingin a hrii a, chungong hai thawna dingin fast, demand-driven, remonetisation; tax reforms- hmun le hmang le real estate hai GST-ah keilut ding; tax rates le stamp duties sukhnuoi; tax administration chungthua lungngaina suktlawm ding ti hai a t hang. Hieng hai hin 2017-2018 financial year sungin GDP kumbluia an hmang hai hmukir nawk dingin a hrii a, 2016-2017 huna



a tlakhuoi khumin India chu khawvela economy inthang hrietak niin dingin a hrii a. Ram hmasawna dinga chona iemanizat Survey chun a tarlang bawh a. Chona a suklang hai laia inlar zuol deu hai chu private sector haia property rights suk changlung, State capacity a deficiencies- abikin, service pawimaw hai inpekawngna le thil semsuokna hai an nih. Public enterprise hai privatizing thaw harsat zie Survey chun a suklang sa a, economist tha tak tak umna private sector a hai khawm chu thil chu a um niin a hrii. Hi chungthua hin Civil Aviation, Bank-

ing le Fertilizer sectors hai chu privatize dan thiem a t ul thu a suklang. Economic Survey dungzuiin, sawrkarin redistribution a thawna ah miretheihai a thlathlam niin a suklang a, chu thil chun tuta sawrkarin programme a nei mek hai mani ta anga nei an tlawm thu hriin, mirethei tlawmna state khawsa thei haiin, institution thatak tak neiin programme hai an hmu rawn lem thu a hrii. Kum hni liemtah sung khan, subsidies abikin, petroleum products hai ah sawrkarin inthanglienna tlawm azawng a hmu niin Survey chun a suklang a, hi chungthua mawphurtu tak chu Technology niin a tarlang bawh.

Sonia Gandhi a campaign naw ding



NEW DELHI: Congress President Sonia Gandhi chun States 5 haia Assembly Election hung um dinga hin an party candidate hai ta dingin vote a campaign naw ding niin ei thu dawngna chun a hrii. Tulai hnaia Uttar Pradesh CM Akhilesh Yadav le Congress Vice President Rahul

Toilet hmangtu thlatin Rs. 2,500 hlaw ding

JAISALMER: Rajasthan a Baytu le Gida panchayats-ah faina tienga insukhmasawna tawna dingin public toilet hmangtu-hai thlatin Rs. 2,500 hlaw theina scheme siem a nih. Swachh Bharat Mission fe mek le inzawma siem niin, a scheme chu zanikhan Barmer district collector Sudhir Sharma in hawngna a nei a, Cairn India, Rural Development Organisa-

tion (RDO) le state sawrkar hai hmalakna a thaw ani a, toilet bawla um hai chu Thawtanni zat indik taka hmangtu sungkuo chu thlatin Rs. 2,500 pek ning an ti. Scheme hawngna a nei hunah, Baytu le Gida panchayat samitis hai faina kawnga sukhmasawna dinga siem ani thu Sharma chun a hrii a, tlangram khuoa um haiin toilet fai

Goa Police-in Kejriwal thubuoi siem khum

PANAJI: Model code of conduct a bawsiet leia Election Commission in thusuok a siem dungzuiin, zanikhan Delhi Chief Minister le AAP Chief Arvind Kejriwal chu Goa Police haiin FIR an file khum. Kejriwal chun, Goa a election rally nei tumin, Congress le BJP haia inthawk pawisa la a AAP vote dinga mipui hai fielna a siem leia thubuoi siem khum a nih. Thamna lak chungthua Kejriwal in tawngbau a neina chungthua ah, Goa state Chief Electoral Officer chun January 31 hma ngeia district thuneitu hai chu FIR file dingin thupek a siem a nih. AAP chief Arvind Kejriwal chun, intuma a umna chu theitawpin a hnaw! a, a tawngbau leia EC in thusuok a siem khum chu dan lo ani thu a hrii.

Maoist hai ralthuom tam tak man

JAMSHEDPUR: Jharkhand a helpawl hai hratna hmun Ghatsila sub-division huom sungah, Maoist haiin security force haia inthawka an lak ralthuom hai chu zanikhan man kir nawk an nih. Ralthuom hai lai chun SLR 1, 303 rifle 1, IMR Rifle le a mu 50, electronics hmangruo le IED siemna hmangruo le thil puok thei, Maoist flag le literature, multi-circuit meter, uniforms le daily core items hai an nih. January 3 a Naxal militant pakhat an man inpuongna a inthawka ralthuom hai chu man niin, District Armed Police le CRPF thangruola operation an thaw a nih.

PM-in NDRF 12th Raising Day chibai

NEW DELHI: Zanita National Disaster Response Force (NDRF) indin champha wavi 12-na a tung le inzawmin, Prime Minister Narendra Modi in lawmna chibai a buk thu a puong. Twitter hmanga thupuong a siemna a chun, NDRF in disaster leia mangang-hai sawmdawlna kawng, sansuokna le thangpuina kawnga a hmalakna chu hriet zing tlak ani thu a hrii a, hringna le hmangruo inhmang a tlawm lem theina dingin, NDRF chu a hmalakna sukhtratin, a theina le hmadawm sukzaua thang a lak mek thu a hrii.

ATM a Rs. 8.62 lakh inrutu man

NEW DELHI: Shakarpur area, East Delhi ATM a inthawka Rs. 8.62 lakh inrutu Puspendera Singh (23) chu zanikhan man a nih. Puspendera chu Bank le ATM haia Security pe hlak Company a thawk ani a, a pawisa inrutu ATM a CCTV camera hai chu a thanaw remchanga hmanga inru niin, vangnei thlak takin CCTV pakhat chu a lo tha pal hlau leia man a nih. ATM a pawisa hai chu Zirtawpni zana inruk niin, CCTV a anlang danin, Puspendera chu ATM khawl siemtha tuma lut a nih. ATM kawtkhar a khar lein puotienga mi tukhawma an hmu thei nawh. Camera a inthawk chun ama chu an mansuok thei niin, Kannauj district, Uttar Pradesh a zanita man a nih.

Afghanaistan-ah Heroin laboratories 6 suksiet

KABUL: Afghanistan-a Helmand province sunga Bando village a chun January 28, 2017 nia special military operation thaw hunah Heroin laboratories 6 suksiet a nih tiin Afghanistan narcotic minister senior adviser Zabihullah Dayem chun a hrii. Afghanistan hi khawvela inruiithe (drugs) siemsook rawn tak laia thang phak chau ni lovin drugs chingzawngsak tamna tak pakhat a nih. Hieng heroin laboratories 6 hai suksiet huna hin Heroin siemna dinga hmang hlak Morphine kg. 1,090, ammonium chloride kg. 15,175 le opium tui (liquid opium) li-



tes 2,000 suksiet a nih tiin ministry thusuok chun a hrii. Afghanistan sawrkarin drugs dona le inzawma a siemna hmun 6 hai hi a suksiet nih. Afghanistan rama hin khawvela Opium 80% vel an siemsook record a ni a, drugs addicts 1.6 million vel an um bawh niin United Nations Office on Drugs and Crime (UNODC) report chun a hrii. Kabul hmuna Drugs Rehab centre enkawltu le Drug ngawlvavi tam tak hai 'Nu' tia ko hiel Laila Haidari chun, Drug siemna laboratories hai suksiet nekin ram thuneitu han Drugs chungthuah mipui

hai lungril sukdanglam le lampui indik thuoithe ding khawpin Awareness nasa takin thaw sien a hlawk lem ding thu a hrii. Opium addic Maryam (26) chun, Afghanistan-a chun drugs hi awlsam taka hmu thei a ni lein drugs sala inthawka suokdawk hi thil harsa tak a nih. Drugs ngawlvavi ve tho ka pasal hle drugs sala inthawk suok tumin nasa takin kan bei a, rehabilitation centre-a khawm kan um a, sienkhawm a tangkai nawh, mi tam tak centre-a um hai khawm an suok zo sawtnawte hmunga an relapse (an hnungtawl) nawk pei a nih tiin a hrii.

Nigerian Muslim preacher nuhmei 130 zet nei tah Bello Abubakar chu kum 93 mi niin a thi

ABUJA: Nigeria rama Muslim preacher, nuhmei 100 chungong zet a nei leia hung inlar Mohammed Bello Abubakar chu kum 93 mi niin January 28, 2017 khan Bida state-ah a thi a, January 29, 2017 khan a ruong ropui taka vuiliem a nih. A personnel assistant Mutairu Salawdeen Bello chun, Mr Bello Abubakar hi damnawna leia thi a nih tiin News Agency of Nigeria (NAN) a hrii. Mr Abubakar hin danglam takin Koran hriifien, an enkawl zo ding a ni pawt chun pasal han nuhmei an nuom zat zat an nei thei tiin a lo hrii a nih.



Kum 2008 khan Muslim preachers dang han hieng nuhmei tam tak a nei chungthua hin an sawisel a, a nuhmei 86 hai laia 82 hai chu dardar 48 sung ngeia thei dingin an ti a, sienkhawm Mr Abubakar chun nuhmei la nei belsa pei chu a mission a ni thu a hrii pek a nih. A thi chen khan nau 203 zet a nei hmuna hrii a ni a, a nuhmei hai lai nauapai mek an um bawh. Nigeria Punch newspaper report in a zieklang dan chun nuhmei 107 a nei a, hi laia 10 an thepui a, hi lei hin a thi chena nuhmei a neizat hi 97 niin a hrii. Hieng laizing hin Nige-

ria Daily Trust newspaper report dungzui chun Mr Bello in a thi chena hin nuhmei 130 a nei niin a hrii. India rama khawm Mr Bello ang deua nuhmei tam tak neia building pakhat chengpui mi pakhat a um a, chu chu Mizoram-a Pu Ziona Chana tia ko khu a ni a, Baktawng village-a um an ni a, kum 2015 a report chena khan nuhmei 39, nau 94, mo 14, tu 33 niin an sungkuo member umzat chu 180 a nih. In sawng 4 a bawl sunga an khawsa vawng a nih. Ziona hi kum 67 mi vel a ni ta a, nuhmei nei belsa a lan pei zing tho a nih.

SIEMAT CHRISTIAN HOSPITAL & RESEARCH CENTRE

Hieng a hnuoia Specialist Doctor pan nuom hai chun zing dar 10:00AM in Siemat Christian Hospital-a pan thei ning an tih. Ticket booking 7:30AM-6:30PM chen thaw thei ning a tih. Registration Fee Rs. 300/- ning a tih. Contact No. : 9862853047

- 1. Dr Chongrolien Chonzik M.S. (Lap. Surgeon) = 8th - 11th February, 2017
- 2. Dr K. Romen Singh (Eye Specialist) = 4th February, 2017

INHMUN INHMUN

Saikawt field bul, Thlak tiengpang RPC Biekin bul lai Plot tha tawh tak, Huon thlai a puitlingsa umna kan thet. A size 40x120 A man: Rs. 2,80,000/- A dit hai chun a hnuoia contact No. a hin kan thei a nih. Sd/- Lalnunmawi Zote #9615959932 (7-6)

Kerala Law College Principal ban a nih

THIRUVANANTHAPURAM: Kerala Law Academy Law College (KLALC) Principal Ms P. Lakshmi Nair chu zanikhan kum 5 sunga dingin Principal a ninaa inthawk ban a nih. Hi College a students han chawklar thum sung zet nuorna an nei hnunga Ms Lakshmi Nair hi Principal a ninaa inthawka ban a nih. KLALC Director N. Naryanan Nair chun, Vice Principal MM Madhavan Potti chu incharge in Principal incheitir a ni ding thu a hrii a, students han internal marks pek chungthua thil indiklo um nia an intumna



suizuitu dinga member 5 umna Committee indin dinga an ngen thangsain student han thil ngen points 17 an nei hai chu sukpuittling a ni ding thu a hrii. Hi lei hin wawisuna inthawk College hi hawng nawk ni tang a tih.

Iran missile test thuah UNSC inthung

UNITED NATIONS: January 29, 2017 nia Iran in medium-range ballistic missile a ensin (test) le inzawmun United Nations Security Council (UNSC) chun zanikhan urgent talks an nei. Iran in missile a test le inzawma Israel Ambassador Danny Danon in United Nations kuoma action la dinga a ngenna leia United States in emergency consultation ko dinga rawtna a siem leia UNSC hi inthung an nih. Israel Ambassador Danny Danon chun Iran in missile a en-

sin hi UN resolution kal a nih tiin an tum a nih. US President Donald Trump chun Israel ram le an inlaichinna nasa taka sukhtrat a tum bawh lein Israel in hi missile test thu UNSC ngaituo dinga a phur hi US chun inrang taka dawlnetlin Iran in missile a ensin chu nasa takin a demzui nghal bawh a nih. Kum 2015 a UN Security Council in resolution a siem le khan Iran hin missile siem le ensin a khap tlat a nih.

Trump in top officials pahni an sina inthawk a ban



WASHINGTON: US President Donald Trump chun immigration ban thua Executive Order dodal zawnga tawngkam an nei lein Acting Attorney General Sally Yates t hangin top officials pahni hai chu an sina inthawk a ban. Ms Sally Yates hin Muslim majority rambung 7 haia inthawk Muslim hnam hai US an lut dinga khapna executive order a thlawp nuomnaw leia a

illegal immigration tiengpangah a chau hle a nih tiin White House chun an tum bawh. Ms Yates ban a ni le inzawm hin White House chun Dana Boente chu Acting Attorney General thar dingin a ruot nghal. Boente chun ram humhima dinga theitawpa hma a lak ding thu a hrii. Ms Yates bakah top official dang pakhat bana um chu acting Immigration and Customs Enforcement (ICE) Director Daniel Ragsdale a ni a, Ms Yates ban a ni zo sawtnawte hnunga ban a ngal a ni a, ama thlaktu dingin Thomas D. Homan a ruot nghal bawh niin Homeland Security Secretary Gen. (retd) John Kelly chun a hrii.

Hafiz Saeed House Arrest-a sie

LAHORE: Jamaat ud-Dawa (JuD) chief Hafiz Saeed chu January 30, 2017 a inthawk Khan House arrest-a sie a ni a, JuD hi danpuoa hnaw! a ni ring a nih tiin media report chun a hrii a, Hafiz Saeed hi house arrest chau ni lova man a ni ring a nih tiin Dunya News report chun a hrii. Interior minister Chaudhry Nisar Ali Khan chun, Jamaat-ud-Dawa pawl hai hi kum 2011 a inthawka kha an chet dan enthlak a nita thu a hrii. Saeed hi kum 2008 a Mumbai hmuna terrorist hai chetna leia mi 166 zetin thina an tuok phana a khan inrawlna neia intum lein India le United States chun Wanted-a an puong a ni a, US chun luman dol-



lar 10 million neia a puong hiel a ni bawh. Mumbai-a terrorist hai chetna kha Lashkar-e-Toiba (LeT) chun an ni pawl thaw niin an hrii a, sienkhawm kum 2002 a India Parliament bea a ni huna khan JuD an nih ti hrietin a hung um a nih. Hieng laizing hin Saeed house arrest-a sie a ni le inzawma a dodalnain zanikhan Pakistan ram khawpui lien haia chun protest nei a nih. Saeed chun hrentanga a umna chu dank al a ni thu hriin Court-ah a khinglet ding thu a hrii. JuD hi United Nations khawma Terrorist-a a lo puong ta an nih.

Evan Rachel Wood le Zach Inhuol

LOS ANGELES: “Westworld” star le electronic pop group “Rebel and a Basketease” band member Evan Rachel Wood chu a band member chanpui Zach Villa leh an inhuol. Pathienni zana 2017 SAG Awards a h khawm khan an kuta kutsebi bun ve vein, Zach-in Bar III suit hakin Rachel Wood-in Altzarza suit a haka, an hung inzui hmu kawp an nih.



An inhuolna hi an inhmuia inthawka kum khatna char a nih. 2015 khan lamna hun pakhatang chang dunin electronic pop group pakhat an indin a, an inthlawp tung pei ta a nih. Wood hi Jamie Bell le inneiin nau pakhat kum 3 mi an nei a. Kum 2 an innei hnungin May 2014 kum an inthe a. Jamie Bell khawm Kate Mara leh innei dinga inhuol fel a nih tah.

Evan Rachel Wood hin 2011 a inthawk khan bisexual a ni thu a puong a, LGBT rights nasataka khekpui hlak a nih. Ni kum khan Rolling Stone magazine interview ah bisexuality mihaiin a la ngaimak zie a hril a. Neksawrna le inenhrangna a lan sang hle niin a hril. “Mani sexuality puong hin kakhawm nasatak a nei thei ti ka hriet chau

Jason le a ruolhai University an va fena san hi an film, Wizarding World of Harry Potter anniversary wavi lina lawm ding an nih. Harry Potter film hi wizard fiction, tienlaia dawi hmangna inbei dan inchukna University umsun le a chanchin, a tha zawng le thanaw zawngawi (magic) hmangna dam a nih a. Tulai khawvél hangthar chau ni lo nu le pa tamak en nuom a nih.

Ka nina ka puonga inthawkin ruok ka pawl nuom tamtakin an mi pawl nuom ta nawh a. Midang le inlaichinna khawm nasatakin a affect a nih” tiin a hril. “Nuhmei pasal thilahi i ditzawng chu i dithlangna a nih a. Chu dithlangna leia mihriem seng seng inthlierhan le inendang ruok hi chu indik ka tih nawh” tiin a hril a. Tleirawl a ni laiin Bar neitu pakhatin suol lui a tum thu a hril bawk.

Harry Potter Changtuhai Re-union



Potter ziekta J.K. Rowling khawm a thang a, a thilalak hi ‘heart and lightning bolt’ entirma, lungril taka nginat entirma ‘emoji’ leh a shared sawng nawk a nih.

Jason le a ruolhai University an va fena san hi an film, Wizarding World of Harry Potter anniversary wavi lina lawm ding an nih. Harry Potter film hi wizard fiction, tienlaia dawi hmangna inbei dan inchukna University umsun le a chanchin, a tha zawng le thanaw zawngawi (magic) hmangna dam a nih a. Tulai khawvél hangthar chau ni lo nu le pa tamak en nuom a nih.

LONDON: Harry Potter chu mi tin lungrilah a la hring hle a, nginatun an lam tam hle niin an lang. Zani khan Harry Potter changtuhai thenkhat Jason Isaac le a ruolhai chu University of Orlando Resort ah an fe a. An ruocham thilalak Twitter ah fiam thaw malama a shared chun nginatun an lam tam hle a, a lekhabu ziekta J.K. Rowling ngei khawmin a la ngaina hle a nih ti a chieng.

A lekhabu ziek lei hin JK Rowling chu Millionaire a kai a. An siem tir laia naupang, a changtu Daniel le Jason hai khawm tlangaw an ni tawl tah a. Emma Watson le mi dang dang khawm nunghak puiting an ni vawng tah. Tamtak chun a story hi siem sunzawm dingin an ngen tawla chu Harry Potter chie nita lovin dawi khawvél thil tho story dang a siem tah lem a nih.

Jason chun a ruolhai le an thilalak postin. “Kei. @Tom-

Sports: FA CUP FIFTH ROUND DRAW

League-a inlang phak lo Sutton United chun wavi 12 champion tah Arsenal mikhuol an tih

English Football Association Cup fe mek chu Thawtanni khan Fifth Round Draw nei a nih a, tu ring phak lo le beisei lo English Football-a Division pangana deia um; chu khawm chun a 16-na ni phak hram Sutton United chu Fifth Round an kai ve a. Anni hi Premier League Club Arsenal an mikhuol ding a nih. Sutton United hai khelmuol hi Gander Green Lane tia ko a nih a, mihriem 5000 chau inlengna a nih. An inkheliu ding Arsenal hai khelmuol Emirates Stadium nekin mihriem 55,000 in a keng tlawm lem.



Sutton hai hin hi chen tlungna ding hin anni neka Club lien lem vawng (League insang lem) hieng Cheltenham Town, AFC Wimbledon le Division II Club Leeds United hai an hneban a nih.

ers leh intuok bawk an tih. Premier League leader Chelsea chun Championship Club Wolverhampton intuokpui bawk an tih. Chon Manchester City le Huddlesfield intuok bawk an ta, Premier League tienga a pathumna ni mek Tottenham le Fulham inkhel bawk an tih. Derby County le Leicester City ruok chu fourth Round replay an nei leiin a tu lem an kai ding a la chieng nawh a, a kai lem lemin Millwall inkheliu an tih.

Anni hi hungtlung ding February 17-20 sung hin inkhel an tih. Draw kimchang Burnley v Lincoln City Fulham v Tottenham Hotspur Blackburn Rovers v Manchester United Sutton United v Arsenal Middlesbrough v Oxford United Wolverhampton Wanderers v Chelsea Huddersfield Town v Manchester City Millwall v Derby County/Leicester City

SPANISH PREMIER

Las Palmas chun Valencia an lo sawp

Spanish Premier League Thawtanni zan inkhelah Las Palmas chun Valencia an lo mikhuol a, ring ang ngeiin 3-1 tawpin an lo sawp. Hi inkhela hin minute 21 naah Santi Mina chun Valencia ta dingin goal hmasa a thun a. Chu goal chu Jonathan Viera chun a hung thunglet a, half chenah 1-1 in an inang taw. Second Half intana inthawk mikhuol tieng an che nasa hle a Yellow card khawm an hmu rawn. Minute 51 naah Munir El Haddadi (Valencia) chun Double Yellow Card leiin hnawtdawk a tuok a, player an kinnaw chu remchanga hmangin minute 57 naah Las Palmas chun Mauricio Lemos hmangin goal an thun ngah a, chu zo char minute 61 naah Kevin-Prince Boateng chun Las Palmas ta ding bawkin goal dang a thunsa nawk a, hun tawp chenah goal dang a lut sap ta naw leiin muol-



neituai chu entu mihriem 20427 hmaah 3-1 in hrata an chang ta a nih. Hi inkhela hin Las Palmas chun Ball an chang rawn hle a, 60% an chang phak a, Valencia tiengin 40% chau an chang phak a nih. Yellow Card khawm panga tawp phawrlang a nih a, chulaia pali chu Valencia tiengin an hmu a nih. An inbei nasa bawk a foul khawm a tam hle. Las Palmas tieng wavi 17 an foul a, Valencia tieng wavi 13 an foul ve thung. Vawisummi chen hin Las Palmas le Valencia hi wavi 6 an inkhel ta a, chulaia wavi 3 Las Palmas an hrata, Valencia wawikhat char an la hrata lem. Wawihni ruok chu an inang-taw.

Tuhin Las Palmas chu Table-ah 11 na an ni mek a, wavi 20 inkhel tain point 28 an nei mek. Valencia hai ruok chu wavi 19 inkhel tain point 19 bawk an nei a, a 15na an ni mek ve thung.

Paris Jackson-in TV film a lut ding

LOS ANGELES: King of Pop Music Michael Jackson naunu, tulai hnaia Rolling Stone magazine interview leia inlar thar Paris Jackson chun a film changna hmasatak dingin Fox TV “Star” ah a chang ding niin Fox TV official casting thusuok chun a hril.



Kum 18-a upa Paris Jackson hin social media them, super-chic, stylish le mi thuhne thei tak, nunghak social media publicity tieng thiemtak Rachel Wells, a ruolhai pahni Eva (Sharlene Taulé) le Star (Jude Demorest) hai ramri khela thil inthawrtiru lem a chang ding a nih, tiin casting director chun a hril.

Fox TV serial “Star” a thang ding danghai chu Queen Latifah, Benjamin Bratt, Jude Demorest,

Brittany O’Grady, Ryan Destiny, Amiyah Scott le Quincy Brown hai an nih. First Season-a chu Lenny Kravitz, Tyrese Gibson le Naomi Campbell hai khawm thang an tih. Hi show-a hin original music iemani zat inthangsatir ni bawk a tih.

Paris Jackson hi tulai hnaia Khan Hollywood magazine inlar Rolling Stone ah a mimal le an insung chanchin tamtak tarlangin a hung inlar tan a. A hril dan chun, a pa Michael Jackson kha mi that niin a hril a. A tleirawl lai suollui tumna a tuok tah

Chrissy Teigen, Nau Pai Lova Inhril



LOS ANGELES: Sports Illustrated Swimsuits cover girl le Lip Sync Battle star, nu nitah le model ni zing bawk Chrissy Teigen chun an nau pahinna ding chu pasal a ni ding thu a hril lai zingin nau ruok chu a la pai naw niin a hril.

mek a nih. A fans tamtakin nuhmei nau pai thua harsatna thua a hung share leiin lawmthu an hril tawla. Fan pakhat chun, “Kum 15 kan try tah a, ni khat chu IVF kan la thaw ve ka beisei. Fertility thu i hung hrla lawm a um, mi thenkhat chun hrethiem ngai naw ni hai” tiin a post.

2017 SAG Awards red carpet hrawa a pasal John Legend leh an hung pheii lain a nau pahinna ding thu indawna ah, “O my God, a little boy is next for sure” (Oi Lalpa, a dawta mi chu pasal ni ngei naw nim) tiin, naupasal a ni ngei ding thu Entertainment Tonight a hril a.

Nau a pai thei naw thu hi 2015 khan FabLife magazine ah a lo hril tah a. “John le hin harsatna kan nei a, ni naw sien chun kum 5-6 liemtaa khan nau nei dai tang kan tih. A process a sei a nih! Dan anga nau nei thei si naw chun IVF hi option thatak a nih. Naupai thua pai theilo nuhai indawn hi thil harsa tak a nih a, lungril in sukna thei a nih. Chu chu a tha nawh. Chuleiin, mi’ n dawn ta da’ ro” tiin a hril tah nghe nghe a nih.

Social media ah comment tamtak a dawng a, thenkhatin naute pieng hmain ingtinam a nina i hriet thei, nau i pai an ta maw? dam an hung tih a. Chuonghai dawnmain, “In hung hril nawkna zarah a tawpna dingin, kan naute pahinna ding chu pasal ning a tih ka tina san chu a chi ‘embryo’ kan maksan/sie kha pasal a ni lei le nih. Pasal. Anachu, ke’ n ka pai nawh” tiin.

Nau an pai thei nawzie a hrla inthawka chwilkar tlawmte hnungah an nautlur ding an pai thu a puong nawk ngah a. A thla nawk April ah an nautlur Luna Simone Stephens a hung pieng a, tuhin thla 9 mi a mih tah. “An vak vel thei tah a, a la ngir thei nawh. Anachu, insung vela chuh mi chawkhartak a ni tah” tiin a pa John Legend chun a hril ve.

Chrissy Teigen hai nupa hi nau pai thei lo an nih a, “in vitro fertilization” (IVF) hmangin nau an nei a, tuhin pahinna ding nei an tum

Andrea Ranocchia in Hull City zawm, Southampton in Hassen laklut



Hull City hai chun Inter Milan defender Andrea Ranocchia chu season tawp chen inkhel dingin loan in an lo laklut tah. Andrea in kum 2010 khan Genoa cluba inthawk Inter Milan zawmin wavi tamtak loanin Sampdoria-ah a lo inkhel hlak bawk a nih. Hung tlung ding Nilai zana Manchester United le an inkhela dinga hin a lang ve ngei beisei a nih.

Mouez Hassen chu thla 5 sung inkhel dingin loanin an lo lak fel ta bawk. Kum 21a upa France mi hi kha kha kha Saints manager Claude Puel hnuoiah Ligue 1 cluba lo inkhel hlak a nia, hi baka hin wavi 50 zet Nice ta dingin lo inkhelhtain le France ta dingin under 16 anhwak under-21 chen lo inkhela ani bawk. Hassen chun England rama inkhel thei diniga a um hi a lawm hle thu a hril.

Southampton hai khawmin Nice goalkeeper

Ben Affleck, Batman Direct Ta Lo Ding

LOS ANGELES: “Batman v Superman: Dawn of Justice” chu mipui didan ang tak le an beisei ang taka siem a ni theina dingin tiin a changtu, director le co-writer ni bawk Ben Affleck chun director nina post an hlip thu a puong. Ben Affleck hi a star, co-writer le director dinga ti a nih.



“Character thenkhat chu mipuiin an sie sang em em a, an beiseina khawm an sang bawk a. Chuong an beiseina ang tak phursuok ding chun titak zeta focus a ngai a, theitawp ka suo a tul a nih. Chu ding chu director sin le chu ka thaw thei naw ding a chieng a nih” tiin an banna san a hril a. Studio le inthuruola an thaw a nih a, a film a chawkuo ni naw ding zie le a chan Batman chu a sunzawm ding thu a hril bawk.

November thlaa suok ding Justice League ah khawm Batman part chang a tih. Tuta Batman v Superman: Dawn of Justice hi chu 2018 or 2020 vela zofel beisei a nih. The Flash le Cyborg hai release kar lakah. Tulai hnaia Ben Affleck changna le ama direct film thar tak chu Live By Night kha a nih a. Kum bul tieng khan released a nih a, a hlawtling thawk khat hlea hriet a nih.

Selena Le Abel Hotel In-kiss Vawih 2na



LOS ANGELES: Thla hmasak kha Los Angeles ah hotel room pakhatana insai lai le in-kiss lai, first kiss thla lak a nih a. An la dit khawp naw hle ning a tih, Zirtawpni khan Florence, Italy ah inhawi chen dinga an fe hmu a ni nawk a. An indit zie thup khawm tum chuong lovin, mipui vantlang hma le paparazzi han an zui ruk zing ti an hriet khawmin hotel ah an in-kiss lai wavi hmina dingin an thla lak nawk a nih.

serious tak a nih a. Nuom nuom date thang mei mei chi an nawh. Mi or thil a dit ta chun nguk ruta invetchil or bawchil char char mi a nih. Pasal a dit ta chun a tak ngeia thaw char char hlak a nih” tiin a hril.

Italy ram a dei zuo leiin thuum lum an inbel nasa hle a. Selena hin sweater sen (Los Angeles California ti inziek), jeans le phekhwak insang bunin a sam a him tung vawng a. The Weekend hin Tennis phekhwak var le lukhum var a letling zawnga khumin, kekawr dum le jeans (denims) jacket hakin rangkakah thi a awr ve a. Selena chu a darah kuoa, a pawt hnaia a, table ah khawm an in-kiss deu ran a. A bienga a fawp lai tak dam ‘selfie’ lain Selena chu inhawi a ti hle.

Florence zova hin Venice an fe nawk a. Inngaizawng lai le honeymoon hmang po povin an duthusam, Venice lawngleng ah chuonin an intawli zuoi zuoi a. Chu zoah thil hlui siena Museum an fang nawk a. Nupa kawpa thil thaw inhawi an hrilhai chun an thaw pei a nih. An khawlai lengna videle khawm a post-a chu a deite nawk a. The Weekend hi a dit hle ti a chieng a nih.

An lang dan chun, Selena hin a dit hmél em em a. The Weekend (Abel) hin an nuitir nasa thei hle a. Selena hin innui pumin a bieng hai a tuoi a, a khakhmul leh, a fawp pei bawk a. Mi dang tamtak an uma chu tudang a hrietfuk nawh. Abel char hi a hmuia, duthaw em emin mi dang veng thak lovin a fawp mawl mawl el a nih. An pahni khawvel bak chuh ieng dang khawm an hriet nawh.

Mita hmutu le an chanchin hretu hril dan chun, Selena Gomez hi mi

Wayne Rooney le Young United-ah la cham ding

Tulai hin Chinese Super League-ah sum tamtak an vir leiin khawvel football pet them hai ngaiwen a hlaw hle. Hi le inzuol hin Manchester United player Wayne Rooney khawm Chinese Super League-a inkhel dingin uksak a hlaw nasa hle. Kha hma khawm kha Manchester United player hlui Tevez le Chelsea player hlui Oscar hai khawmin pawisa tamtak hlaw dingin a lo pa ta reng a nih.



United player suongvavr nisien khawm tulai hin substitute bench-a hmu dingin a um deu zinga, Premier League a wavi 8 inkhela ding lem hin chu ama neka junior player hieng; Juan Mata, Jesse Lingard le Anthony Martial hai nek hin first eleven a hmu tawm lem. Hi baka Ibrahimovic laklut a nia inthawk striker hmu a hlou tlawm

hai khawm a sawisel naw ding thu a hril deu zing bawk. Chu-el khela, Rooney adviser kumhlun Paul Streford chun a agency-Red Lantern digital media agency hmangin China hai le inlaichinna an nei mek ti a ni bawk. Hiengang thuvuonvga tamtak inleng sien khawm, zani zan kha Jose Mourinho chun wawizana Hull City le an inkhel ding le inzawmin player thlang felna neiin Rooney le Ashley Young hai chu United-a la um dingin thutlukna a lo siem fel tah.

Abhinav Bindra le Pullela Gopichand hai Olympics Task Force-ah

Olympic Games hung um nawk ding le inzawma hmalatu ding (Olympic task force) hai chu Sports Ministry siemfelna alo nei tah. Hmalatu ding member 8 hai lai Beijing Olympics gold medallist Abhinav Bindra le Pullela Gopichand hai an thang ve. Hi thil hi Rio Olympica India in medal pahni chau an lakna le inzawma India sport person hai atam lem olympica an thang theina dinga induong dinga Prime Minsiter Narendra Modi in alo puong lawksa reng a nih. Anni pahni hai bakah hin Indian hockey captain hlui-Viren Rasquinha, School Sports Promotion Board-a head-Om Pathak, hockey coach nilai mek-S Baldev Singh, Manav Rachna International University -ah Professor le Dean of Exercise and Physiology sin chellai-G L Khanna, journalist-Rajesh Kalra le Sports Authority of Gujarat Director General sin chel-Sandeep Pradhan hai an thang. Thla thum tem pei ning a ta, Committee



chairman chungchanga rotation-in fein, ti hria ding chun Pradhan in convener sin chel a tih. Thuoitu member 8 thlanga um hai hin plan thatak siemin, hung tlung 2020, 2024 le 2028 Olympic-a India in medal a lak rawn theina dingin hma lang an tih.

FOOTBALL FIXTURE
Wednesday 1st Feb 2017
I-League
14:05 Aizawl FC Vs Shivajians
16:35 Minerva Punjab Vs chill Brothers
19:05 East Bengal Vs Mumbai FC
19:05 Mohun Bagan Vs Bengaluru
Coupe de France
22:30 Angers SCO Vs Caen
22:30 Auxerre Vs Saint-Etienne
22:30 Avranche Vs Fleury 91
22:30 CA Bastia Vs Nancy
22:30 Chambly Vs Monaco
22:30 Fréjus St-Raphaél Vs Prix-lès-Mézières
22:30 Les Herbiers Vs Guingamp
Premier League (Thursday Morning)
01:15 West Ham Vs Manchester City
01:30 Manchester United Vs Hull City
01:30 Stoke City Vs Everton
Coupe del Rey
01:30 Atletico Madrid Vs Barcelona